



Publicaziuns officialas dils 03-11-2017

Damonda da baghegiar

Nr. 98/2017

Datum da publicaziun: 03-11-2017

Patrun: Duff Astrid, 7175 Sumvitg21

Representant: Scrinaria Daniel Maissen SA, 7172 Rabius

Liug e parcella: Via Sursilvana; 1652

Object: niev tetg da veider sur igl esch casa

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 03-11-2017

Cumissiun da baghegiar Sumvitg

Restituziun d'ina cumpart vid cuosts da tractament dils dents dils affons

La radunonza communal dils 18-12-2012 ha approbau il reglament davart il survetsch dentari da scola. Sebasond sin quei reglament sa la vischnaunca separticipar vid ils cuosts da tractament dils dents dils affons da scola e quei sco suonda:

Avon che tschentar alla vischnaunca la damonda da contribuziun ein ils quens da pagar e silsuenter da tarmetter alla cassa da malsauns. La vischnaunca restituescha dalla summa restonta, la quala la cassa da malsauns surpren buca, la mesadad, denton maximal frs. 400.00 per affon e per onn da scola. Il quens da tractament sco era il rendaquen dalla cassa da malsauns ein d'aschuntar alla damonda per la contribuziun communal.

La damonda da contribuziun ei d'inoltrar all'administraziun communal durant las uras da spurtgel. Ulteriur sclariment dat il gerau responsabel ni il persunal dall'administraziun communal.

Sumvitg, 03-11-2017

Departament sanadad

Reducziun dallas premias dalla cassa da malsauns

Persunas che han aunc buca retschert direct dalla cassa da cumpensaziun in formular d'annunzia, han la pussevividad da retrer quel directamein tier la cassa da cumpensaziun AVS en canzlia. Las annunzias pigl onn 2017 ston esser inoltradas entochen sil pli tard ils 31-12-2017.

Sumvitg, 03-11-2017

Cassa da cumpensaziun AVS

Donaziun fundaziun Greina

Sefundond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2017** digl onn precedent cul formular corrispondent tier l'administraziun communal. Nus supplichein per notizia da quest avis.

Sumvitg, 03-11-2017

Cumissiun Greina

Corp da pumpiers Sumvitg/Trun

Incorporaziun 2018

Umens e dunnas naven dall'annada 1997 che giavischan da prestar survetsch activ da pumpiers san s'annunziar **entochen ils 11-11-2017** tier il cumandant Martin Decurtins, Via Campliun 9, 7166 Trun (decurtinsmartin@hotmail.com). Ulteriuras personas tenor indicaziun dallas administraziuns communalas vegnan contactadas directamein a scret.

Pumpiers Sumvitg/Trun

Societad da tir volontaria Trun

Cuors da sittar cun buis d'aria cumprimida

Entschatta: 26-11-2017, 17.00

Liug: Stan da sittar, Pustget

Annada: 2010 e pli vegls

Annunzias prendel bugen encunter **entochen ils 20-11-2017**, Baseli Tomaschett, 081 943 33 43.

Meisa da miezdi (gentar communabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star il suentermiezdi da cumpignia e dar in scart troccas ni auters giugs.

Liug: «Ustria dalla Staziun», 7176 Cumpadials

Datum: **venderdis, ils 10 da november 2017 allas 12.00**

Prezi: 18 francs per persuna cumpriu gentar cun dessert e caffè.

Annunzias: Ein da far entochen gievgia sera tier «Ustria dalla Staziun», Cumpadials, tel. 081 943 19 22.